

南宮奏議

南宮奏議卷第三目錄

大禮三

欽奉 勅擬上 成祖 睿宗尊謚 南郊奏
告恭上 二聖冊寶 睿宗祔廟及明堂大
享等儀

大享禮成 頒詔表賀儀

玄極寶殿奉安 正位 配位儀

景神殿奉安 成祖 睿宗神位儀

奉 諭增大享配位

大享增太常執事官

南宮奏議卷第三

鈴山堂集四十三

大禮三

欽奉 勅擬上 成祖 睿宗尊謚 南郊奏
告恭上 二聖冊寶 睿宗祔廟及明堂大
享等儀

嘉靖十七年九月初一日欽奉 勅諭朕惟我國家
之興始 皇祖高皇帝也中定艱難則我 皇祖文
皇帝也 二聖同創大業功德並焉宜同稱祖號我
皇考獻皇帝躬備大德是以延及朕身入嗣 祖
位宜薦宗稱矧今大享已成奉 皇考配將當舉事

之期先用薦上鴻號尊文皇帝廟號爲成祖謚曰
啓天弘道高明肇運聖武神功純仁至孝文皇帝今
月十一日行禮尊皇考廟號爲睿宗謚曰知天守
道洪德淵仁寬穆純聖恭儉敬文獻皇帝同日異時
行禮初九日預告社稷本月二十一日恭舉大享明
堂之祀于奉天殿奉皇考睿宗獻皇帝配上帝
是日禮畢即詔示天下所有合行一應禮儀爾禮部
會同翰林院恭議開具來聞敬哉故諭欽此臣等恭
捧到部仰惟皇上至敬奉天睿文稽古親御宸翰
誕告大廷述祖功宗德而大義以明陳秋享

廟祔而大禮以定鴻名美號揭萬古而有光聖藻
神謀駕百王而獨出者也臣等恭承勅命除成造
冊寶取用祭器供造牲品及擬奏告祝文等項事宜
已經具題通行內外衙門遵行外今將合行禮儀會
同大學士臣李時等逐一備細恭擬開坐上請伏乞
聖明裁定勅下欽遵施行

計開九月初九日 南郊奏告儀

一先期司設監設大次于外壇神路之東是日早免
朝 上常服御奉天門錦衣衛備隨朝駕如常儀是
日車駕至郊 上即大次易祭服詣圜丘行奏告禮

一文官五品以上武官四品以上六科都給事中
皇親指揮以下千百戶等官照例具祭服先赴南天
門外候駕陪拜同日寅時遣官各具祭服詣北郊
太廟 成祖廟 昭穆群廟 睿廟 社稷壇恭
告行禮

十一日恭上 二聖冊寶儀

一初八日太常寺奏致齋二日初十日太常卿同光
祿卿面奏省牲如常儀 一同日內侍官設冊寶案
四于奉天殿冊東寶西設冊寶綵輿四于丹墀內設
香亭于冊寶輿前教坊司設中和韶樂及大樂錦衣

衛設鹵簿大駕并舉輿亭官校一同日司設監及
太常寺官設冊寶案于成祖廟睿廟各神座前
設上拜位于各廟殿內正中設具服御幄于二廟
戟門左一十一日早免朝鳴鐘文武百官具朝服
于金水橋南東西向序立文官五品以上武官四品
以上六科都給事中皇親指揮以下千百戶等官各
具祭服于廟街門內北向序立上冕服御華蓋殿
鴻臚寺官奏請行禮導駕官導上出至奉天殿內
侍官捧各冊寶置于案鴻臚寺官舉案由殿中門導
駕官導上隨行至丹陛下鴻臚寺堂上官各取冊

寶置于輿內錦衣衛官督舉輿。上乘板轎出奉天門降轎陞輅侍衛鼓吹如儀導駕官退冊寶輿至金水橋南文武百官皆跪候過畢輿隨至廟街門退冊寶輿入廟街門陪祀官皆跪候過畢輿上至太廟門降輅冊寶輿至各廟太常寺堂上官四員各取冊寶由中門入至各廟神御前東西向立冊東寶西陪祀官先赴成祖廟丹墀內東西序立太常寺導引官導上至成祖廟左門由殿左門入寢殿左門請主出正殿奉安訖典儀唱樂舞生就位執事官各司其事內贊奏就位上就位典儀唱迎神奏樂導

引官導 上至香案前司香官捧香跪進于 上左

內贊奏跪 上跪奏拵圭奏上香 上三上香訖奏

復位樂止內贊奏四拜 傳贊陪祀官同 典儀唱上冊

寶奏樂 上至冊寶案前內贊奏跪奏拵圭奏進冊

寶捧冊官以冊跪進于 上右 上受冊獻訖仍授

捧冊官置于案捧寶官以寶跪進于 上左 上受

寶獻訖仍授捧寶官置于案奏宣冊太常寺官取冊

跪于 上右宣訖置于案奏宣寶太常寺官取寶跪

于 上左宣訖置于案奏出圭俯伏興內贊奏復位

樂止典儀唱奠帛行初獻禮奏樂導引官導 上至

神御前奏摺圭奏獻帛獻訖奏獻爵獻訖奏出圭奏

詣讀祝位內贊奏跪贊讀祝讀祝官讀訖奏俯伏興

平身

傳贊同

奏復位樂止典儀唱行亞獻禮奏樂儀

同初獻惟不讀祝

樂止典儀唱行終獻禮奏樂儀同

亞獻

樂止太常寺卿進立于殿東西向唱賜福胙光

祿寺官捧福酒胙內贊奏跪奏摺圭光祿寺官以福

酒跪進內贊奏飲福酒

上飲訖光祿寺官以福胙

跪進內贊奏受福胙

上受訖奏出圭奏俯伏興平

身奏復位

上復位內贊奏兩拜

上兩拜平身

贊同

典儀唱徹饌奏樂執事官徹饌訖樂止太常卿

詣神御前跪奏禮畢請還宮樂作內贊奏兩拜興平

身傳贊同

樂止典儀唱讀祝官捧祝進帛官捧帛各

詣燎位樂復作內贊奏禮畢樂止上捧主太常寺
官捧冊寶先行詣寢殿奉安訖導引官導上出至

太廟門東乘板轎詣睿宗廟門外上降轎至

戟門外太常寺導引官導上由左門入由殿左至

寢殿左門入請主出正殿奉安訖典儀唱樂舞生就

位執事官各司其事內贊奏就位上就位典儀唱

迎神奏樂導引官導上至香案前司香官捧香跪

進于上左內贊奏跪上跪奏搢圭奏上香上

三上香訖奏復位樂止內贊奏四拜傳贊陪祀官同

典儀唱上冊寶奏樂上至冊寶案前內贊奏跪奏

摺圭奏進冊寶捧冊官以冊跪進于上右受

冊獻訖仍授捧冊官置于案捧寶官以寶跪進于

上左上受寶獻訖仍授捧寶官置于案奏宣冊太

常寺宣冊官取冊跪于上右宣訖置于案奏宣寶

太常寺宣寶官取寶跪于上左宣訖置于案奏出

圭俯伏興內贊奏復位奏禮畢樂止上捧主太常

寺官捧冊寶先行詣寢殿奉安訖導引官導上出

易服還宮

同日 睿宗祔享儀

一先期一日太常寺設牲醴於太廟如時禘禮司設
監官恭設 睿宗獻皇帝神座衣冠於 孝宗敬皇
帝位之次 一本日未時 上捧 太祖主遣官捧
各廟帝后主詣太廟各奉安訖遣官先於 睿宗寢
殿請主出太常卿跪奏請 睿宗獻皇帝神主請詣
祔享降座陞輿遣官奉安輿內至太廟丹陛下太常
卿跪奏請 睿宗獻皇帝神主降輿至丹陛初登典
儀唱樂舞生就位執事官各司其事遣官捧主至丹
陛上門外典儀唱迎神此樂歌二遍典儀唱 睿宗

獻皇帝謁廟上捧主入就拜褥上內贊奏跪太常

卿跪奏孝玄孫嗣皇帝御名躬奉皇考睿宗獻

皇帝參拜內贊奏興拜五拜三叩頭畢捧主朝上立

太常卿進立于東北西向唱賜座安主座訖內贊奏

四拜興平身傳贊陪祀官同典儀唱奠帛行初獻禮

奏樂導引官導上至太祖神主前奏搢圭奏獻

帛獻訖奏獻爵獻訖奏出圭奏復位各廟捧主官捧

帛爵詣各廟獻訖奏詣讀祝位內贊奏跪贊讀祝讀

祝官讀訖奏俯伏興平身傳贊同奏復位樂止典儀

唱行亞獻禮奏樂儀同初獻惟不讀祝樂止典儀唱

行終獻禮奏樂儀同亞獻樂止太常寺卿進立西向
唱賜福胙光祿寺官捧福酒胙內贊奏跪奏拑圭光
祿寺官以福酒跪進內贊奏飲福酒 上飲訖光祿
寺官以福胙跪進內贊奏受福胙 上受訖奏出圭
俯伏興典儀唱徹饌奏樂執事官徹饌訖樂止太常
寺卿詣神主前跪奏禮畢請還宮樂止內贊奏四拜
興平身傳贊同樂止典儀唱讀祝官捧祝進帛官捧
帛各詣燎位樂復作內贊奏禮畢樂止 上捧太
祖主遣官捧各廟主捧 睿宗主各詣寢殿 上易
常服還宮大樂鼓吹振作

二十一日 大享儀

一十四日本部率太常寺陳設如儀 十五日本部
率諸執事官恭詣奉天殿演禮 一十六日上詣
犧牲所視牲錦衣衛備隨朝駕如常儀由大明門正
陽門西天門舊路視畢還宮次日以後太常寺具奏
請命大臣看視 一十七日上御奉天門太常寺
奏祭祀齋戒如常儀 一十八日上詣睿廟告請
皇考睿宗獻皇帝配帝行一獻禮 一百官本日爲
始致齋三日 一十九日上御奉天門太常卿同
光祿卿面奏省牲如常儀 二十日上常服詣奉

天殿恭視神位免朝錦衣衛備法駕設板輿於左順門上常服乘輿至奉天門降輿由左門入禮部太常寺官導上陞奉天殿左陛由殿左門入恭視神位畢還齋宮一是日司設監設幕次於奉天門左

一二十一日子時鳴鐘上出左順門乘板輿至奉天左門降輿具祭服導引官導上由左陛陞典儀唱樂舞生就位執事官各司其事上至御拜位前內贊奏就位上就位典儀唱迎神奏樂內贊奏詣香案前奏跪拈圭上跪拈圭司香官捧香跪進于上左奏上香上三上香訖奏出圭至配帝前

儀同奏復位樂止內贊奏四拜上四拜平身傳贊

百官同典儀唱奠玉帛奏樂內贊奏詣神御前奏搢

圭捧玉帛官以玉帛跪進于上右上受玉帛奠

訖奏出圭導至配帝前儀同奏復位樂止典儀唱進

俎奏樂齊郎舁饌至內贊奏詣神御前奏搢圭進俎

出圭導至配帝前儀同奏復位樂止典儀唱行初獻

禮奏樂內贊奏詣神御前司尊者舉罍酌酒捧爵官

以爵受酒內贊奏搢圭捧爵官以爵跪進于上右上

受爵奏獻爵上獻訖奏出圭奏詣讀祝位奏

跪上至讀祝位跪傳贊百官皆跪樂暫止內贊贊

讀祝讀祝官讀訖樂復作內贊奏俯伏興平身傳贊

百官同導至配帝位奏搢圭捧爵官以爵跪進于

上右 上受爵奏獻爵 上獻訖奏出圭奏復位樂

止典儀唱行亞獻禮奏樂儀同初獻惟不讀祝樂止

典儀唱行終獻禮奏樂儀同亞獻樂止太常卿進立

東向唱賜福胙內贊奏詣飲福位 上至飲福位奏

跪奏搢圭光祿寺卿捧福酒跪于 上右內贊奏飲

福酒 上飲訖光祿寺官捧福胙跪于 上左內贊

奏受福胙 上受訖奏出圭俯伏興平身奏復位

上復位內贊奏四拜 上四拜平身傳贊百官同典

儀唱徹饌奏樂執事官徹饌訖樂止典儀唱送神奏
樂內贊奏四拜上四拜平身傳贊百官同樂止典
儀唱讀祝官捧祝進帛官捧帛各詣燎位上退拜
位之東立典儀唱望燎奏樂燎半內贊奏禮畢樂止
導駕官導上至幕次易常服還宮即日早上御
奉天殿頒詔嘉靖十七年九月初五日奉
聖旨都依擬行

大享禮成 頒詔表賀儀

仰惟 皇上肇舉大享明堂之祀大孝尊親至誠享
帝追崇先烈並薦徽稱聖製精詳禮儀順正臣等中

外臣工恭逢盛事豈勝歡忭本月二十一日典禮告
成詔示天下理宜稱賀合於二十二日恭請 皇上
御奉天殿容文武百官上表稱賀臣等會同大學士
臣李時等謹將頒詔并慶賀禮儀逐一恭擬開坐上
請伏乞 聖明裁定勅下遵行 計開頒詔儀前期
一日鴻臚寺官設詔案錦衣衛設雲蓋于奉天殿內
東列設雲盤于承天門上設綵輿于午門外鴻臚寺
設宣讀案于承天門上西南向教坊司設中和樂及
大樂于午門外鴻臚寺列百官班次于承天門橋南
是日錦衣衛設鹵簿駕百官各具朝服入丹墀內侍

立上具冕服御華蓋殿鴻臚寺官引執事官進至華蓋殿就次行五拜三叩頭禮贊各供事鴻臚寺官奏請陞殿樂作導引官導上陞座翰林院官先捧詔書于華蓋殿從至御座前東立西向樂作鳴鞭報時雞唱定時鼓訖唱排班文武官入班鴻臚寺官贊四拜樂作興樂止百官出至承天門外伺候鴻臚寺官舉詔案于殿中贊頒詔翰林院官捧詔書授禮部官禮部官捧詔書置于雲盤內案上校尉擎雲蓋俱從殿左門出至午門外禮部官捧詔書置綵輿內樂作公侯伯三品以上官前導迎至承天門上鳴贊唱

排班引禮官引文武百官就拜位樂作贊四拜樂止
唱宣讀展詔官陞案稱有制贊衆官皆跪禮部官捧
詔書授宣讀官宣讀官宣訖禮部官捧詔書置雲盤
中贊俯伏興樂作四拜樂止唱搢笏鞠躬三舞蹈跪
唱山呼萬歲者三唱出笏俯伏興樂作四拜興平身
樂止序班報鴻臚寺官跪奏禮畢駕興百官以次出
禮部官捧詔書授錦衣衛官置綵輿中以綵索繫于
龍竿頒降禮部官捧詔書置于龍亭內鼓樂迎至禮
部授使者頒行天下 百官上表慶賀儀前期一日
鴻臚寺官設表案教坊司設中和樂及設大樂是日

錦衣衛設鹵簿駕百官各具朝服入丹墀內侍立

上具冕服御華蓋殿鴻臚寺官引執事官進至華蓋殿就次行五拜三叩頭禮畢贊各供事鴻臚寺官奏請陞殿樂作導駕官導上陞座樂止鳴鞭報時雞唱定時鼓訖唱排班文武百官入班鴻臚寺官贊四拜樂作興樂止贊進表樂作執事官舉表案由殿左門入置于殿中樂止贊宣表目宣表目官宣訖贊俯伏興贊宣表贊百官皆跪宣表官宣訖贊俯伏興序班徹表案於殿東樂作贊四拜興平身樂止唱搢笏鞠躬三舞蹈跪唱山呼萬歲者三唱出笏俯伏興樂

作四拜興平身樂止鴻臚寺官跪奏禮畢駕興嘉靖
十七年九月初五日奉

聖旨依擬行

玄極寶殿奉安大享 正位 配位儀

本年九月初九日該內閣節奉 聖諭大享 神御
位 配帝位 二聖內殿神位不宜過期亦須十一
日戌刻南宮製造十五日先奉安玄極寶殿吉服祭
之卿等即語嵩遵行欽此查得嘉靖十年九月泰神
殿成 聖駕親往奉安 神御板該本部具儀題奉
欽依外今大享 神御位 配帝位恭製告成 皇

上躬詣玄極寶殿奉安致祭理合照例恭擬儀注上進御覽伏乞聖裁勅下欽奉施行一先期奉迎神御位配帝位于重華殿上香行禮捧安神輿次至玄極寶殿奉安合用大臣二員伏乞欽命翰林院撰祝文太常寺備脯醢酒果制帛香燭設神輿香案于重華殿同日太常寺同司設監官設神案二香案二于玄極寶殿設祭品如常儀司設等監設上拜位讀祝位于殿中是日質明遣官恭詣重華殿行上香一拜三叩頭禮畢捧上帝神位捧睿宗獻皇帝神位各奉安輿中訖錦衣衛官校舉

輿禮部太常寺官隨行至 玄極寶殿丹陛下遣官
就神御中捧 神御位 配帝位各奉安訖 駕至
遣官跪奏神位奉安訖禮部太常寺堂上官各二員
導 上由左門入殿左門典儀唱執事官各司其事
內贊奏就位典儀唱迎神內贊導 上詣香案前奏
跪上香 上三上香訖奏復位奏四拜興平身典儀
唱奠帛行初獻禮內贊導 上詣 上帝神位前奏
奠帛奠訖奏獻爵獻訖導 上詣 睿宗神位前儀
同奏復位典儀唱行亞獻終獻禮如前儀惟不讀祝
上復位內贊奏四拜平身典儀唱讀祝官捧祝進

帛官捧帛各詣燎位 上退拜位之東禮畢 駕還
宮嘉靖十七年九月十三日題奉

聖旨着禮部尚書上香行禮太常寺官捧 神位其
餘依擬

景神殿奉安 成祖 睿宗神位儀

九月十三日該本部欽奉 聖諭十五日寅時 玄
極寶殿奉安 神御位 配位行禮畢即詣景神殿
奉安 二聖神位欽此謹遵 聖諭恭擬儀注上進

御覽伏乞 聖裁勅下欽遵施行 一先期翰林

院撰祝文太常寺備脯醢果酒制帛香燭設神輿香

案于重華殿是日本部率太常寺同司設監官恭設
神座香案于景神殿設祭品如常儀設 上拜位於
殿中是日日本部尚書恭詣重華殿行上香一拜三叩
頭禮畢太常寺官捧 成祖文皇帝神位 睿宗獻
皇帝神位各奉納輿中訖錦衣衛官校舉輿禮部太
常寺堂上官隨行至景神殿丹陛下太常寺官就神
輿出 成祖神位 睿宗神位各奉安訖駕至本部
尚書詣前跪奏神位奉安訖禮部太常寺堂上官各
二員導 上由左門入殿左門典儀唱執事官各司
其事內贊奏就位典儀唱迎神內贊導 上詣香案

前奏跪奏上香 上三上香訖奏復位奏二拜興平
身典儀唱奠帛行初獻禮內贊導 上詣 成祖神
位前奏奠帛奠訖奏獻爵獻訖導 上詣 睿宗神
位前奏奠帛奠訖奏獻爵獻訖奏跪贊讀祝讀祝官
讀訖奏俯伏興平身典儀唱行亞獻終獻禮如前儀
惟不讀祝內贊奏二拜興平身典儀唱讀祝官捧祝
進帛官捧帛各詣燎位 上退拜位之東內贊奏禮
畢 上還宮十四日奉
聖旨依擬

奉 諭增大亨配位

本月十三日欽奉 聖諭秋享大禮增設從位八壇
一大明二夜明三星辰四雲雨風雷五太社帝社六
太稷帝稷七天下司土之神八天下司穀之神俱於
奉天殿丹陛設位欽此臣等竊惟上帝所居則百神
從之茲者恭舉明堂大亨之祀天帝居歆臨之在上
百靈儼扈質之在傍允合古者事以人道之義仰見
皇上睿思淵微制禮周備非臣下愚謏庸陋所能
及也臣等除將奉到欽降圖式另行恭畫全圖上進
外理合題請恭候命下行令太常寺將合用牲幣儀
物作速恭辦及奏請分獻官員謹題請旨十四日奉

聖旨是

大享增太常執事官

本年八月二十六日欽奉 聖諭明堂大享增設太常寺執事官俱照園丘事例行又蒙 聖諭太常寺見在讀祝奏禮等項官遇用不敷禮部便考選堪用的來看欽此欽遵隨行據太常寺開稱園丘壇進俎陳設導引舉麾鋪位看洗祭器收支放牲看燎協律贊禮司樂等官共四十員樂生七十二名文生六十六名武生六十六名燒香點燭樂舞生四十八名典儀執事樂舞生三十五名共二百八十七名臣等爲

照太常職專祠祀宗祝贊禮要在得人況今明堂大
享我 皇上恭舉百代曠典委應備官供事昨者大
議方成吉期已迫禮貴從宜事惟克斷此聖人制事
之權當如是也今一應禮度儀物若釐正從位若造
辦祭器樂器若建置神庫神厨處所俱合逐一計畫
臣等恭候 聖明裁定勅下次第舉行所擬增設太
常寺官員 臣等既經奉有 聖諭理合題請伏候命
下本部行令太常寺將見任典簿協律郎贊禮郎司
樂等官及見在樂舞生俱開送本部嚴加考選擇其
器質清厚聲音洪暢禮儀閑習堪備讀祝贊禮者分

別等第疏名上請定奪以次充補執事等官庶幾官
守充備足稱裡典再照該寺樂舞生見在各壇名數
尚缺今次又該加增二百八十七名收選愈難臣等
切惟各壇舉事異時合無將見在樂舞生遴選年質
出類者通融兼用伏乞 聖裁嘉靖十七年十月初
一日奉

聖旨今秋肇稱大享制度未備諸建置釐正事宜待
朕命行太常官便精加考選樂舞生准通融執事

南宮奏議卷第三

南宮奏議卷四目錄

大儀

上園丘冊表預告神祇并發勅儀

欽定郊壇內圖

欽定郊壇外圖

欽定神祇壇位

欽定太廟上冊圖

欽定告祀并發勅儀注

園丘上冊表及太廟上尊號儀

奉題太廟神主儀

大禮告成請表賀及頒詔儀

再上表賀儀

郊廟上冊禮成復命

請遣官示諭宗藩

請詔諭外夷

請刊給聖諭

南宮奏議卷第四

鈴山堂集四十四

大儀

上 園丘冊表預告神祇并發 勅儀

嘉靖十七年十月二十日該臣嵩節奉 聖諭朕取

二十四日於茲月躬行奏謝 天垂景雲禮于 玄

極寶殿子刻行事畢往詣南郊恭以 上帝尊號預

告于神祇回御殿發勅秩宗具禮儀注欽此仰惟

皇上昭事 皇天恭上冊表預告百神所以因卑達

尊克盡臣子之義者也 聖見高明裁畫允當臣等

忝職禮官謹當竭誠盡敬仰贊非常之典所據預告

及發勅禮儀謹遵 聖諭開列上進臣等切惟 天
帝尊臨無上凡在天之神在地之祇無所不統然其
稱號難以悉陳合無查照 南北郊神祇壇位恭列
于園丘之下東西相向天神於北首地祇次之謹將
陳設位次上呈 御覽以俟 聖裁其發勅儀今次
上冊 皇天 皇祖典禮隆重難視故常所宜播告
大廷百官各具朝服聽受宣讀伏乞 聖明裁定恭
候勅下遵行本月二十二日奉

欽定上

園丘冊表郊壇內外圖

欽定郊壇內圖

東

皇極殿

同安殿
卷書殿
卷書殿

天神壇
天神壇
天神壇

地祇壇
地祇壇
地祇壇

北
上帝位
神御前
香冊案
祝飲位

冊表祝案

第一成

第二成

御拜位

第三成

南

太祖位

卷書殿
太祖廟前卷書
受母殿

西

天神壇
天神壇
帝王壇

地祇壇
地祇壇
地祇壇

欽定郊壇外圖

無

北

※※

文陪祀官

傳贊

傳贊

傳贊

百官拜位

耆老拜位

時鼓
欽天監
樂司

聖門

南

武陪祀官

百官拜位

耆老拜位

西

欽定神祇壇位

天神一大明之神

三爵
帛紅色

二夜明之神

三爵
帛白色

三木火土金水星之神

蓋三十
帛蒼赤素黑黃

二十八宿之神

帛白色

周天星辰之神

帛白色

四雲師之神

蓋三十
帛黃色

雨師之神

帛黑色

風伯之神

帛黑色

雷師之神

帛青色

五周天列職之神

蓋五十
帛五色五段

地祇一中嶽嵩山之神

蓋五十
帛俱紅色

東嶽泰山之神

南嶽衡山之神

西嶽華山之神

北嶽恒山之神

中鎮霍山之神

東鎮沂山之神

南鎮會稽山之神

西鎮吳山之神

北鎮醫無閭山之神

基運山之神

翔聖山之神

神烈山之神

天壽山之神

純德山之神

二東海之神蓋五十帛俱黑色

南海之神

西海之神

北海之神

江瀆之神

河瀆之神

淮瀆之神

濟瀆之神

三際地列職祇靈

蓋五十
帛五色五段

四天下之神

蓋五十
帛紅色十段

五天下之祇

蓋五十
帛黑色十段

六戊戌太歲之神

蓋十
帛黃色一

十月神將直日功曹之神

郊壇司土之神

欽定 太廟冊圖

樂生

親王功臣

惟慎太命婦

舞生

文

武

御史序班

成仁廟
孝廟
寶廟

寶案

冊
案

寶冊宜

御拜位殿

月

文臨祀官

太廟

宣研官

中宮拜位

陸

武陪祀

冊案
寶案

武
文

御史序班

舞生

惟慎器婦

拈主官宣廟
拈主官憲廟
拈主官武廟

親王序

欽定告祀并發勅儀注

一告祀二十四日朕具常服分獻陪拜官具吉服嚴辦朕至壇所內贊奏就位迎神上香分獻官各上香行兩拜奠獻如常典儀唱宣告文分獻陪祀官跪宣文官立宣訖百官府伏興亞終獻如常送神行兩拜宣文官捧文進帛官捧帛各詣燎位內贊奏禮畢

一發勅朕至華蓋殿執事行禮如常樂作朕至殿中立定樂止鴻臚寺官舉勅案至殿中朕親取勅授大宗伯輔臣言立受以制詞授宣制官朕坐鳴鞭行禮傳制如常該寺官奏禮畢樂作朕起大宗伯捧勅由

中道出至奉天門發示禮部捧出開讀叩頭如常

園丘上冊表及太廟上尊號儀

嘉靖十七年十月二十四日欽奉 勅諭朕以支服
藉 皇考聖母積德乃大蒙 天眷嗣王華夷十復
七載一政無爲獨懷感戴 大造之仁 祖本之重
無可仰酬於心今乃特竭朕衷左右諮謀于三五大
臣且合辭同情聞之臣庶敢以一念之微上報兆民
之主茲已同卿等預告于神祇恭取來月朔旦親率
臣民趨詣南郊拜上 皇天上帝大號冊表于園丘
是午復詣太廟加尊 皇祖御謚聖號爲 太祖開

天行道肇紀立極大聖至神仁文義武俊德成功高
皇帝 高皇后慈謚懿號爲孝慈貞化哲順仁徽成
天育聖至德高皇后庶幾盡朕報 天報 祖之微
誠聊且少罄焉爾禮部恭具 大儀來聞敬哉敬哉
故諭欽此欽遵臣等仰惟我 皇上道高千聖德並
九玄獨觀本始之原肇薦丕崇之號此從古帝王未
有見於此道之真而能成斯禮之大者也是故禮行
于 郊而至敬尊 天百神於是而受職焉禮行于
廟而大孝尊 祖 列聖於是而居歆焉臣等忝
職禮司欣逢鉅典敢不力効愚忠以仰贊 皇上對

越精誠於萬一謹遵 欽定日期恭擬合行禮儀注
開坐上請伏乞 聖明裁定勅下遵行 一 園丘
恭上冊表儀先期翰林院恭擬合用祭告文太常寺
嚴備特牲熟薦十二籩豆玉帛及告景神殿脯醢酒
果 一捧冊表 欽命大臣二員文武官陪拜國子
監監生順天府生員宛大二縣耆民人等俱隨班行
禮在朝于午門外序列在壇于昭亨門外序列先四
日 上御奉天殿太常寺奏齋戒如常儀百官致齋
三日都察院差御史點齋太常寺光祿寺官面奏省
牲如常儀先一日鴻臚寺官設冊表案于奉天殿正

中內侍官設冊表絲輿于丹陛上設香案于冊表輿前教坊司設中和樂大樂錦衣衛設鹵簿大駕并舉輿官校本日禮部率太常寺官恭詣園丘設冊表案于神御位右設上拜位於三成正中司設監設大次于園丘神路之東陳設畢禮部率太常寺官演禮遣重臣上香奉請神御位太常官設輿于泰神殿丹陛下奉神位陞輿導引官二員前導陞園丘奉安訖候上至大次復命神祇十一壇紙位列于內壝下天神東西向地祇北向設酒果脯醢不奠獻其紙位并帛太常執事官俟望燎各起捧分燎天神爐

東地祇爐西戌初刻鳴鐘鼓百官照依朝賀禮於奉
天殿丹墀序立陪祀官具祭服餘官朝服 上告景
神殿畢具冕服御奉天殿鴻臚卿奏請行禮 上躬
捧冊表奉安綵輿內錦衣衛官督舉輿冊表輿行大
樂鼓吹前導駕發文武百官隨行至正陽門外騎從
生員耆民人等俱隨駕行冊表輿至園丘壝門外原
遣大臣捧請冊表出輿亭置于案 上至昭亨門降
輦導引官導 上御大次禮部鴻臚寺整肅班次
俟鼓三嚴鴻臚卿奏外辦又奏中嚴導引官導 上
至園丘典儀唱樂舞生就位執事官各司其事內贊

奏就位 上就位典儀唱迎 帝神奏樂內贊導

上至香案前奏跪奏搢圭奏上香 上三上香訖奏

復位樂止內贊奏四拜 傳贊百官同 典儀唱升冊表

奏樂內贊奏陞壇 上陞壇樂暫止奏跪 傳贊百官

皆跪 奏搢圭原遣大臣二員一捧冊表進于 上右

上受冊表獻訖一接受于 上左付宣冊表官奏

出圭奏宣冊表太常卿跪宣訖原受冊表大臣復進

于 上 上親捧奠于帛篚樂復作奏俯伏興平身

傳贊百官同 奏復位典儀唱奠玉帛奏樂內贊奏詣

神御前 上陞至 神御前奏搢圭捧玉帛官以

玉帛跪進于上右 上受玉帛奠訖奏出主奏復

位樂止典儀唱進俎奏樂齋郎舁饌至內賛奏詣

神御前 上陞至 神御前奏搢圭奏進俎奏出圭

奏復位樂止典儀唱行初獻禮奏樂內賛奏詣 神

御前 上陞至 神御前奏搢圭捧爵官以爵跪進

于上右 上受爵奏獻爵 上獻訖奏出圭復位

樂止典儀唱讀祝奏樂內賛奏詣讀祝位奏跪 上

至讀祝位跪 傳贊百官皆跪 樂暫止內賛奏讀祝讀

祝官跪讀訖樂作內賛奏俯伏興平身 傳贊百官同

樂止典儀唱行亞獻禮奏樂 儀同初獻惟不讀祝樂

止典儀唱行終獻禮奏樂

儀同亞獻

樂止太常卿進

立于壇上東向立唱賜福胙內贊奏詣飲福位上

陞至飲福位奏跪奏播圭光祿寺官捧福酒跪于

上右內贊奏飲福酒上飲訖光祿寺官捧福胙跪

于上左內贊奏受胙上受訖奏出圭奏俯伏興

平身奏復位上復位內贊奏四拜上四拜

傳贊

百官同

典儀唱徹饌奏樂執事官徹饌訖樂止典儀

唱送帝神奏樂內贊奏四拜上四拜

傳贊百官同

樂止典儀唱宣冊表官捧冊表進玉帛官捧玉帛讀

祝官捧祝掌祭官捧饌各恭詣泰壇典儀唱望燎奏

樂 上退拜位之東向立內贊奏詣望燎位燎半內
贊奏禮畢樂止導駕官導 上至幕次易服還宮太
樂鼓吹振作 一 太廟恭上冊寶儀先期請命大
臣三員以恭上 皇祖尊號分告 北郊 太社稷
帝社稷翰林院撰合用祭告文太常寺備辦牲醴
如時祫儀司設監設冊寶案四千奉天殿冊東寶西
設冊寶綵輿四千丹陛上設香亭于冊寶輿前教坊
司設中和樂大樂錦衣衛設鹵簿大駕并舉輿亭官
校司設監及太常寺官設冊寶案于 太廟神座前
設 上拜位于殿內正中正祭日 上捧 皇祖王

合用捧冊捧 列聖主欽命官八員 中宮捧 高
皇后主助行亞獻女官奏禮文官四品以上武官三
品以上命婦隨班列東西近兩廡上稍北障以帷幙
俱先期由東安門進入 太廟俟候親王功臣設位
兩廡酒果脯醢不奠獻是日文武百官先具朝服于
金水橋南東西向立其陪祀文武等官各具祭服于
廟街門北向立 上冕服御華蓋殿鴻臚卿奏請行
禮內侍官捧各冊寶置于案鴻臚寺官舉案由殿中
門出導駕官導 上隨行至丹陛鴻臚寺官各取冊
寶置于輿內錦衣衛官督舉輿 上乘板轎出奉天

門降轎陞輅侍衛鼓吹如儀導駕官退冊寶輿至金
水橋南文武百官皆跪候過畢輿隨至廟街門內冊
寶輿入廟街門內陪祀官皆跪候過畢輿上至
太廟門降輅冊寶輿至丹陛下太常寺堂上官四員
捧太祖冊寶內侍官四員捧高皇后冊寶由中
門入至神御前東西向立太常寺導引官導上
由殿左至寢殿上捧皇祖主中官捧高皇
后主出正殿陞座捧王官捧列聖主去櫃捧主東
西立典儀唱樂舞生就位執事官各司其事內贊奏
就位上就位典儀唱迎神奏樂內贊對引官導

上至香案前奏跪奏搢圭奏上香 上三上香訖奏

復位樂止內贊奏四拜興平身

傳贊百官同

典儀唱

舉冊寶奏樂內贊奏跪

傳贊陪祀官同

奏搢圭樂暫

止捧冊官以

皇祖冊跪進于

上右

上受冊獻

訖仍授捧冊官捧冊官以

高皇后冊跪進于

上

左

上受冊獻訖仍授捧冊官捧寶官以

皇祖寶

跪進于

上右

上受寶獻訖仍授捧寶官捧寶官

以

高皇后寶跪進于

上左

上受寶獻訖仍授

捧寶官奏出圭典儀唱宣冊宣冊官二員以次跪宣

訖置于案唱宣寶宣寶官二員以次跪宣訖樂復作

奏俯伏興平身傳贊陪祀官同捧主官各恭捧列

聖主陞座典儀唱奠帛行初獻禮奏樂內贊對引官

導上至神御前奏搢主奏獻帛獻訖奏獻爵獻

訖奏出主奏復位捧主官詣各廟上香獻帛爵訖奏

跪傳贊陪祀官同贊讀祝讀祝官讀訖樂作奏俯伏

興平身傳贊陪祀官同樂止典儀唱行亞獻禮奏樂

中宮獻太廟爵皇妃八氏獻八廟爵儀同初

獻惟不讀祝樂止典儀唱行終獻禮奏樂儀同亞獻

樂止太常卿唱賜福胙光祿寺官捧福酒胙內贊奏

跪奏搢圭光祿官以福酒跪進內贊奏飲福酒上

飲訖光祿官以福胙跪進內贊奏受胙 上受訖奏

出主俯伏興平身奏復位 上復位內贊奏四拜

上四拜平身

傳贊陪祀官同

典儀唱徹饌奏樂執事

官徹饌訖樂止太常卿詣

神位前跪奏禮畢請還

宮樂作內贊奏四拜興平身

傳贊陪祀官同

樂止典

儀唱讀祝官捧祝進帛官捧帛各詣燎位樂復作內

贊奏禮畢樂止

上捧

高皇祖王

中宮捧

高

皇后王太常并內侍官俸冊寶詣寢殿奉安捧主官

捧

列聖王各詣寢殿奉安訖

上還宮大樂鼓吹

振作本月二十七日奉

聖旨依擬捧冊表 方澤等告捧 列聖王官候別
諭行

奉題 太廟神主儀

嘉靖十七年十月二十六日該臣嵩於文華殿面奉
聖諭以十一月初三日巳時吉奉題 皇祖 高
皇后神主欽此恭擬儀注上進奉 聖旨是奉請詞
如何改了着更正欽此欽遵查得先該 成祖 睿
宗二聖題主蒙欽定記事儀節發給臣嵩等查對今
擬儀注失於詳檢謹欽遵更正即行內外衙門遵行
仍將原發欽定記事儀節黃紙一帖隨本進繳 一

太廟奉題神主儀先期翰林院撰文太常寺備脯醢
酒果如常儀司設監設題神主案于太廟寢殿東
西置淨水刷子粉盞筆硯設盥盆帨巾中設香案文
官三品以上武官公侯駙馬伯皇親指揮陪拜一
合用題主大臣二員伏乞 欽命是日早免朝鳴鐘
陪拜官具吉服于廟門街北向序立候駕至陪拜
上具翼善冠黃袍乘板輿至太廟門右降輿太常寺
導引官導 上由殿左入寢殿 上就位上香一拜
叩頭畢至神床前跪太常卿跪奏謹請 皇祖太祖
高皇帝 孝慈高皇后神主恭用奉題 上詣高

皇帝神主前捧主安於東案上內侍官詣高皇后
神主前捧主安於西案上上復就拜位北向立內
侍官各洗出舊字別塗以粉中書官重寫題主官各
于東西向立奉題訖上捧高皇帝主安于座內
侍官捧高皇后主安於座內贊奏跪上跪太常
卿跪奏謹請皇祖太祖開天行道肇紀立極大聖
至神仁文義武俊德成功高皇帝神靈上神主太常
卿跪奏謹請孝慈貞化哲順仁徽成天育聖至德
高皇后神靈上神主內贊奏俯伏興上捧高皇
帝神主內侍官捧高皇后神主導引官導出正殿

陞座 上就拜位唱迎神內贊對引官導 上至香

案前奏跪奏上香 上三上香訖奏復位贊四拜興

平身 傳贊同 典儀唱奠帛行初獻禮導引官導 上

至 皇祖神御前奏獻帛獻訖奏獻爵獻訖至 高

皇后神御前奏獻帛獻訖奏獻爵獻訖奏復位內贊

奏跪 傳贊同 贊讀祝讀祝官讀訖奏俯伏興平身 傳

贊同 奏復位典儀唱行亞獻禮 儀同初獻惟不讀祝

典儀唱行終獻禮 儀同亞獻 太常卿詣 神御前跪

奏禮畢請還宮內贊奏四拜興平身 傳贊同 典儀唱

讀祝官捧祝進帛官捧帛各詣燎位內贊奏禮畢

南宮奏議 天卷四 出 一 鈴山堂

上捧 皇祖主內侍官捧 高皇后主詣寢殿奉安
訖導引官導 上出太廟門東陞輿還宮嘉靖十七
年十一月初一日奉

聖旨還少降殿奉享四字題 主著武定侯勛輔臣
鼎臣

大禮告成請表賀及 頒詔儀

嘉靖十七年十一月初一日恭遇 皇上親率臣民
趨詣南郊拜上 皇天上帝大號冊表是午復詣太
廟尊上 皇祖御謚 高皇后慈謚大禮告成該本
部具儀題請於本月初二日百官上表慶賀奉 聖

旨表賀待大報禮後行欽此又該臣嵩面奉聖諭
十一月二十一日園丘大報禮成駕還百官行慶
成禮畢即頒詔示告中外夷夏欽此臣等切惟園
丘大報乃祀典之重而今次之祀比之常歲尤重臣
等伏請皇上於是日禮成回鑾臨御紫宸容令臣
等文武百官上表稱賀行禮畢即頒詔覃恩誕告
夷夏則天人交慶誠敬流通禮文昭備於一時聖澤
覃敷於八表矣臣等謹將上表頒詔同日儀注恭
擬開坐上請

再上表賀儀

二十一日於內閣抄奉 聖諭今日大報 皇天鉅儀九成朕銘心仰戴而斯大儀之賀可抑卿等之情乎着明辰刻間作賀如正旦冬至儀內用傳制一節制云 皇天之尊升冊荷鑒朕心祇戴與卿等同之午前即大宴以歡慶云即示嵩行欽此仰惟 皇上尊上 皇天太號 皇祖尊稱駿典非常精禋禬達臣等遭逢熙事恭覩告成禮宜稱賀昨者具請表賀未蒙俞允茲蒙 聖慈容令於明辰刻稱賀午前即大宴仰見 皇上曲體輿情上欽 帝賜愛同百辟懽溢兩間臣等祇捧綸音不勝忻躍除即通行內外

各該衙門知悉及行鴻臚寺照依正旦冬至儀節併
欽定制詞遵行外并行順天府生員耆民人等一
體隨班行禮爲此謹將上表傳制儀注開具題知
一二十一日鴻臚寺設表案教坊司設中和樂及設
大樂是日錦衣衛設鹵簿駕百官各具朝服入丹墀
內侍立上具冕服御華蓋殿鴻臚寺官引執事官
進至華蓋殿就次行五拜三叩頭禮畢贊各供事鴻
臚寺官奏請陞殿樂作導駕官導上陞座樂止鳴
鞭報時鷄唱定時鼓訖唱排班文武百官入班鴻臚
寺官贊四拜樂作興樂止贊進表樂作執事官舉表

案由殿左門入置于殿中樂止贊宣表目宣表目官
宣訖叩頭興贊宣表贊百官皆跪宣表官宣訖贊俯
伏興序班徹表案于殿東樂作贊四拜興平身樂止
傳制官奏 傳制俯伏興由殿東門出至丹陛之東
西向立稱有制贊跪百官皆跪宣 制訖樂作贊俯
伏興平身樂止唱搢笏鞠躬三舞蹈跪唱山呼萬歲
者三唱出笏俯伏興樂作四拜興平身樂止鴻臚寺
官跪奏禮畢 駕還宮俟設宴齊備恭請御殿行大
宴禮

郊廟上冊禮成復命

嘉靖十七年十一月初一日恭遇 皇上冊拜 皇
天大號同日冊上 皇祖高皇帝 高皇后尊號先
於十月二十七日欽奉 勅臣嵩充導 泰神興官
及知 太廟上冊監禮使發輿之夕欽給簡一道
御筆書敬之二字恩隨命下榮與懼并是父子刻圖
丘行禮宇靜氣和風休雲斂星河朗潔燈燭燦輝至
午 太廟行禮風日和煦景色尤佳凡在臣工均深
贊慶而 廟祀大禮 欽定中宮亞獻一節備內外
之官示陰陽之教尤爲古禮之正此數千百年所不
克舉之事非大聖人深達奧義力行古道其孰能與

於斯也臣恭承簡命幸覩告成無任欣慶之至謹具
題復 命以聞

請遣官示諭宗藩

嘉靖十七年十一月初一日恭遇 皇上拜冊 皇
天大號 皇祖尊稱禮成先該臣嵩面奉 聖諭上
冊禮成候園丘大報畢頒詔天下仍諭知宗藩欽此
已該本部題奉欽依於本月二十一日頒詔例該差
委行人等官并監生齋捧詔書前往各處開讀所據
示諭宗藩齋捧御書官員合照例於翰林院六科官
內行取疏名上請點用本部俱給文定立限期回還

如有違限者叅問奉
聖旨是

請 詔諭外夷

伏遇 皇上恭上 皇天上帝大號 皇祖謚號禮
成欽奉 聖諭詔示中外夷夏該本部議得朝鮮國
照例行取翰林院并給事中各一員領勅前去詔諭
其安南國先年朝貢不絕遣官詔諭事體俱同近因
彼國叛亂不常貢道梗絕昨者恭奉 聖諭以其國
亦在天覆之下宜與聞知以示無外大哉 皇言凡
在臣工不勝欽服所據遣官 詔諭合遴選廷臣中

有文學才識通達國體者三四員疏名上進點差二員文正副使齎捧詔書前去播諭差去官員合無量假侍從堂上官職銜照例賜以一品服色庶幾事體崇重夷裔聳觀待其回日果有勞勩另議陞賞其琉球日本等國合無備行福建浙江等處布政司如遇本國使臣至彼合以今次恩詔謄黃一道就彼封付齎捧回國令其一體知悉伏乞 聖裁奉

聖旨是安南詔使吏禮二部便會同推舉有才識堪以大用的三四員來看

請刊給 聖諭

嘉靖十七年十一月二十二日恭遇 皇上園丘大

報禮成 親賜宴群臣於奉天殿宴畢伏蒙 欽發

面諭群臣 聖制一道制曰朕聞君人者父 天母

地而爲之子必若父子焉然知所 尊以尊尊焉

凡一言一動以至於賞刑則不敢私一己之欲知所

親以親親焉凡出入語默以至於民物則不敢作

纖毫之惡無過與不及之患乃盡事天如父之道是

謂之天子猶之子克肖以顯父母者也朕弗類帝王

未盡事天之實顧且區區奉一字之尊以粉飾焉固

若斯恐亦爲一孝敬者今 皇天下鑒朕之衷赤

恩享朕誠禮成告成故茲宴慶以祗 帝惠且卿等
表賀勤誠稱道太過適竣宴儀特諭卿等以朕欲卿
等文武左右朝夕夾持小大御事始終贊輔務期爾
君永光 祖考垂譽來世常念今日朕與卿等慶戴
之情勿忽勿忘汝惟欽哉欽此該成國公朱希忠捧
出至奉天門鴻臚寺官宣讀大小臣工跪聽行五拜
三叩頭禮訖臣等聞之先王制為燕饗之禮以通上
下之情如成周鹿鳴湛露之詩所云者是也仰惟
皇上至敬事天深仁逮下禮文昭煥和氣充周適竣
宴儀不忘祗畏臣等伏讀 制詞懇惻至到思致謹

於言動賞刑出入語默之際以盡事天如父之道又
勅諭臣工交相儆飭此真純一不已之誠踐形惟肖
之聖千古帝王所不能及者也臣等無任忻忭感戴
之至謹恭捧到部命工刊刻合候命下遍給與宴群
臣使之朝夕顧諟恒若天威在上玉音在耳各思竭
忠贊輔以仰答洪恩於萬一焉爲此謹將刻完 聖
制一通上進 御覽謹具題以聞

南宮奏議卷第四

南宮奏議卷第五目錄

大慶一

請舉冊立 東宮大禮

再請舉冊立 東宮大禮

冊立 東宮請擇日具儀

冊立 東宮儀 大臣命婦慶賀
中宮儀附

請賀千秋令節儀

再請賀千秋令節

千秋令節各王府告祝儀

冬至請賀 東宮儀

南宮奏議卷第五

鈴山堂集四十五

大慶一

請舉冊立 東宮大禮

臣等切聞太子天下之本也自夏殷周以來享國有道之長莫不以儲嗣爲大本豫建爲急務故易稱主鬯禮重承祧漢世有司請立太子曰蚤建太子所以敬宗廟也賈誼亦曰太子正而天下定矣頃者 皇天孚祐 列聖垂休 聖嗣誕生天下臣民鼓舞謳歌謂我國家億萬載無疆之慶然今誕降之期已踰數月中外臣工引領跂足咸願冊立之典及早舉行

上以仰承 宗廟社稷之重下以繫屬四海烝民之心臣等備員禮官恪敷彝典祇奉德音乃其職也是敢披瀝愚衷上千天聽恭惟 皇上治法三代道配兩儀臨御以來于茲十有六載肇 天地郊丘之祀正 祖宗禘祫之儀 九廟崇構適成 兩宮徽稱咸備諸所典禮煥然盛美獨有蚤建 元良豫端國本今日 朝廷至大至急之務莫有先於此者維時背陽布令淑氣凝和洊雷啓出震之祥明照應繼離之象所宜肇開鶴禁光闡鴻儀用綿萬世之禎允答三靈之眷伏望 皇上特賜俞音勅下本部行令欽

天監擇日舉行所有一應禮儀容臣等題請施行宗社幸甚天下幸甚臣等不勝惓惓祈懇之至嘉靖十六年正月十九日奉

聖旨卿等以冊立太子請具悉忠思可少待之

再請舉冊立 東宮大禮

臣等竊觀簡冊所載人君即位必蚤建太子此古今不易之道也其或謙讓未暇則有司請之所以尊宗廟重社稷定國本繫人心也仰惟 皇天眷命 列聖垂休元良篤生國本攸繫頃該臣等具題及勲戚文武百官上表陳情舉行冊立大禮 聖心謙讓未

賜俞音臣等跋蹠不復敢言然退而抱犬馬之忠積
葵藿之悃耿耿于懷未敢一日而忘也茲者皇嗣
誕生之期已及周歲側聞天姿秀發日表異常中外
輿情曷勝頌慶引領屬望咸願陛下蚤騰明詔光
舉盛儀于以仰承帝眷祇慰慈歡臣等職忝禮
官義存體國輒敢不避煩瀆再竭悃誠用祈天聽
擬於十月朔旦容臣等勲戚文武百官再行上表陳
請伏乞聖明蚤賜宸斷勅下本部擇日舉行實
宗廟社稷永永無疆之休臣等不勝惓惓祈懇之至
嘉靖十六年九月二十六日奉

聖旨卿等以冊立元子大禮欲非請之但朕以爲嬰
弱茲卿等謂一國本定人心勉從忠愛知道了

冊立 東宮請擇日具儀

嘉靖十六年十月初一日該文武百官上表恭請冊
立東宮奉 聖旨卿等以建儲重大復茲表請具悉
忠誠 聖母亦以數言朕恭以 慈訓順以群情勉
從所請用欽 天眷禮部知道欽此 臣等仰惟 皇
上祇奉 聖母皇太后慈訓上欽 天眷俯順輿情
特賜允俞舉行大典綸命渙頒歡騰朝野實宗社萬
萬年無疆之休 臣等不勝慶幸合無本部行令欽天

監選擇吉日并合行儀注本部通行議擬上請候命
下施行

冊立 東宮儀

嘉靖十八年正月二十三日欽奉 勅諭禮部 朕
仰承 皇天下眷賜生元子 已逾二歲宜前體

慈聖面訓文武群臣累請茲朕親取來月朔丑刻
躬奏告 南郊 太祖廟分命大臣祭告 北郊

列聖宗廟 太帝二社稷朝日夕月神祇四壇即日

申吉冊立 爲皇太子并冊封第二子 爲裕

王第三子 爲景王庶幾上慰 六祖 七宗之

神靈近遵

皇妣日切之訓遠副中外臣民之望爾

禮部便如期具儀奏覽裁奪欽哉故諭欽此仰惟天
啓 聖衷茂端國本適當蒼震發春之初爰定 青
宮主鬯之禮仰承 慈訓俯荅群情而 天枝競秀
桐葉分封縟儀並舉于一時和氣暢延于六合誠
宗社萬萬年無疆之慶也 臣等恭際昌辰欽承渙命
不勝仰贊權戴之至謹將合行儀注恭擬逐一開坐
上請伏乞 聖裁勅下遵行 一欽定冊立吉期嘉
靖十八年二月初一日 一皇太子金冊金寶冠服
玉圭等件已經通行內府成造 裕王 景王金冊

金寶冠服玉圭等件合行內府作速造辦 一前期
三日齋戒初一日丑刻 皇上躬詣南郊以冊立
皇太子 裕王 景王奏告 皇天上帝 駕回恭
詣 太廟告聞 皇祖分命大臣祭告北郊 列聖
宗廟 太社稷 帝社稷朝日夕月天神地祇合用
欽命文武大臣十五員俱詣園丘陪拜畢各詣祭所
行事俱用祭服太常寺恭辦祭品通用酒果脯醢三
獻 上帝 皇祇加一牛翰林院撰告文文武陪祭
官如常儀各具祭服陪拜百官各具吉服并耆老生
儒俱於昭亨門外陪拜 一郊廟祭告畢 上以冊

立遣使告于 昭聖慈壽皇太后 上具常服恭詣
慈寧宮以冊立告聞 慈孝獻皇后 欽命文武大
臣九員充正副使持捧節冊寶前期鴻臚寺設節冊
寶案各三于奉天殿中節中冊東寶西設冊寶綵輿
于丹陛之東教坊司設中和韶樂及大樂于奉天門
內侍官設節案三于文華殿正中設冊寶案各三于
節案前設香案于冊寶案前設 皇太子拜位于香
案前設 裕王 景王拜位稍于後初一日錦衣衛
設大駕鹵簿百官各具朝服入丹墀內侍立 上具
冕服御華蓋殿鴻臚寺官引執事官進至華蓋殿就

次行五拜三叩頭禮贊各供事鴻臚寺官奏 陞殿
樂作導駕官前導 上陞座樂止鳴鞭報時雞唱定
時鼓訖唱排班文武百官及生儒耆老人等入班鴻
臚寺官贊四拜樂作興樂止左右侍班引禮正副使
入就拜位贊四拜傳制官跪奏傳制俯伏興執事官
舉節冊寶案由殿左門出置御道中傳制官由左門
出稱有制贊跪正副使跪傳制官稱 制曰嘉靖十
八年二月初一日冊立元子 爲皇太子并冊封
第二子 爲裕王第三子 爲景王命卿等持
節行禮贊俯伏興又四拜禮畢執事官舉節冊寶置

于綵輿中黃蓋遮送教坊司作樂前導至文華殿正副使由中門入至丹陛上停止保姆奉 皇太子

裕王 景王迎于文華殿門內正副使各捧節冊寶置于案節中冊東寶西內贊導保姆奉 皇太子

裕王 景王就拜位贊四拜保姆奉 皇太子 裕王 景王各拜興贊宣冊贊跪保姆奉 皇太子

裕王 景王跪鴻臚寺宣冊官取冊立宣于 皇太子之左宣訖贊受冊捧冊官以冊授 皇太子內侍官跪代受以冊授捧冊官置于冊案宣冊官取冊立宣于 裕王之左宣訖贊受冊捧冊官以冊授 裕

王內侍官跪代受以冊授捧冊官置于冊案宣冊官
又取冊立宣于 景王之左宣訖贊受冊捧冊官以
冊授 景王內侍官跪代受以冊授捧冊官置于冊
案贊宣寶鴻臚寺宣寶官取寶立宣于 皇太子之
右宣訖贊受寶捧寶官以寶授 皇太子內侍官跪
代受以寶授捧寶官置于寶案宣寶官又取寶立宣
于 裕王之右宣訖贊受寶捧寶官以寶授 裕王
內侍官跪代受以寶授捧寶官置于寶案宣寶官又
取寶立宣于 景王之右宣訖贊受寶捧寶官以寶
授 景王內侍官跪代受以寶授捧寶官置于寶案

贊俯伏興保姆奉 皇太子 裕王 景王與贊四
拜保姆奉 皇太子 裕王 景王拜興禮畢正副
使捧節由正門出于 奉天門具本復命初二日早
太常寺備祭品脯醢翰林院撰祝文 上恭詣宗廟
捧 德祖主各 廟列祖及 列聖神主十二位俱
欽命捧 主大臣捧 主奉安畢 上具常服率
皇后貴妃王氏康妃杜氏靖妃盧氏各具禮服保姆
奉 皇太子 裕王 景王恭行告謝三獻如常儀
是日遣內侍官詣謝 昭聖慈壽皇太后 上具常
服詣慈寧宮謁謝 慈孝獻皇后 皇后率貴妃王

氏康妃杜氏靖妃盧氏各具禮服保姆奉 皇太子

裕王 景王詣 上前 皇后貴妃王氏康妃杜

氏靖妃盧氏代 皇太子 裕王 景王行八拜禮

貴妃王氏康妃杜氏靖妃盧氏又代皇太子 裕王

景王詣 皇后前行八拜禮保姆又代 皇太子

裕王 景王詣 貴妃康妃靖妃行四拜禮畢回

宮 一同日上表慶賀頒 詔儀前期一日鴻臚寺

設 詔案表案錦衣衛設雲蓋雲盤于奉天殿內東

別設雲盤于承天門上設綵輿于午門外鴻臚寺設

宣讀案于承天門上西南向教坊司設中和樂及設

大樂于午門外鴻臚寺列百官班次于承天門外橋
南錦衣衛設鹵簿駕百官各具朝服入丹墀內侍立
上具冕服御華蓋殿鴻臚寺官引執事官進至華
蓋殿就次行五拜三叩頭禮贊各供事鴻臚寺官奏
請陞殿樂作導駕官導上陞座翰林院官先捧詔
書于華蓋殿從至御座前東立西向樂止鳴鞭報時
鷄唱定時鼓訖唱排班文武百官入班鴻臚寺官贊
四拜樂作興樂止贊進表樂作執事官舉表案由殿
左門入置于殿中樂止贊宣表目宣表目官宣訖叩
頭興贊宣表贊百官皆跪宣表訖贊俯伏興序班徹

表案于殿東隨舉詔案于殿中贊四拜樂作平身樂
止鴻臚寺官贊頌詔翰林院官捧詔授禮部官禮部
官捧詔置于案上雲盤內叩頭興鴻臚寺官舉案從
殿左門出鴻臚寺官跪奏禮畢駕興校尉擎雲蓋至
午門外禮部官捧詔置綵輿內樂作公侯伯三品以
上官前迎至承天門上鳴贊唱排班引禮官引文武
百官就拜位樂作贊四拜樂止唱宣讀展詔官陞案
稱有制贊衆官皆跪禮部官捧詔授宣讀官宣訖禮
部官捧詔置雲盤中贊俯伏興樂作四拜樂止唱搢
笏鞠躬三舞蹈跪唱山呼萬歲者三唱出笏俯伏興

樂作四拜興平身樂止禮畢百官以次出禮部官捧
詔授錦衣衛官置綵輿中以綵索繫于龍竿頒降禮
部官捧詔置于龍亭內鼓樂迎至禮部授使者頒行
天下同日文武百官慶賀 昭聖慈壽皇太后表文
一通奉至午門外司禮監官捧進同日文武百官命
婦慶賀 中宮行禮是日文武百官上表畢進箋慶
賀 皇太子前期鴻臚寺官設案于文華門至日班
首官捧箋置案上行叩頭禮司禮監官捧進遣官齋
捧御書禮物前往各王府報知俱用南郊原遣各官
一併齋捧遣官詔天下例該差行人等官監生各十

二員名充正副使本部照例題請詔諭朝鮮國同南郊冊禮詔諭一併齎捧本部行取翰林院六科官各二員疏名上請點用本月二十六日奉

聖旨是都依擬行命官別待諭命婦着入內行賀禮
慶賀千秋令節儀

嘉靖十八年十月初六日敬遇 皇太子殿下千秋令節例該文武百官行慶賀禮節該本部具題奉

聖旨慶賀儀便具擬來看 臣等仰惟青宮正位虹渚
屆祥今歲首行稱賀此實我 皇上茂膺皇天休眷
國家無疆之大慶也然此典曠而弗舉者三紀于茲

所據慶祝禮儀臣等謹按本朝典章國初正旦冬至
千秋節皇太子於大本堂受三公師傅賀設答拜褥
位此禮後不復行於東宮受群臣賀侍儀司設文武
官使客學官等拜位拱衛司陳儀仗承令官引進啓
外備官目雖與今殊而儀節則不甚異今據大明會
典所載及查得弘治九年九月二十四日皇太子令
節朝賀儀注係累朝相承舊規臣等理合遵照恭擬
開坐上請仰乞 聖明裁定勅下遵行庶繆典肇陳
而臣民胥慶矣 一先期內侍官設 皇太子座于
文華殿中錦衣衛設儀仗於殿外東西教坊司陳大

樂於文華門內東西北向府軍衛列甲士旗幟于門外錦衣衛設將軍十二人于殿中門外及文華門外東西相向立鴻臚寺官設箋案於殿東門外設文武官拜位于文華門外設宣箋等官位於殿內東西是日早文武官於奉天門常朝畢各出具朝服赴文華門外北向立俟皇太子具冕服於文華後殿陞座本部官入啓朝鮮國王進貢馬匹方物數目畢鴻臚寺官贊執事官行禮訖啓請陞座導引官奉迎皇太子出樂作陞座樂止贊禮唱正齊鞠躬樂作四拜興平身樂止唱進箋給事中前下箋案由殿東門入

置殿中內贊唱宣箋目宣訖俯伏興平身唱宣箋外
贊唱跪展箋官取箋宣箋官宣訖內外皆贊俯伏興
平身即舉案置殿東外贊唱衆官皆跪代致詞官中
道跪致詞云具官臣某等茲遇皇太子殿下壽誕
之辰臣某等敬祝千秋壽贊俯伏興樂作四拜平身
樂止鴻臚寺官啓禮畢嘉靖十八年九月十五日奉
聖旨儀中既云具冕服必待冠禮之後可行

再請賀千秋令節

該本部恭擬儀注具題奉旨儀中既云具冕服必
待冠禮之後可行臣等捧誦明旨仰見皇上重

禮俟時未合事理之宜但臣等恭遇令節臣子慶祝未伸下情實不安處合於是日早敬請皇太子具常服御文華殿陞座錦衣衛照例陳設儀仗教坊司設堂下樂文武百官仍具朝服先行四拜禮鴻臚寺官具班首官名致詞稱賀畢復行四拜禮其啓進方物宣箋等項全儀暫且免行合遵今奉聖旨待冠禮後本部另行題請舉行本年九月十九日奉聖旨依今擬行

千秋令節各王府告祝儀

該藩王胤樛奏敬惟皇太子殿下正位東宮茂隆

國本所有千秋令節臣等拜祝禮儀雖會典開載略節未詳理合奏請乞勅禮部定制示下庶得便宜行事等因奉 聖旨禮部知道欽此臣等查得大明會典開載洪武十八年定王國禮儀凡遇東宮壽日行告祝天地禮其日設香案於露臺上設王拜位於案前文武官拜位于丹墀之東西王皮弁服就位百官具朝服隨班四拜王詣香案前跪衆官皆跪王致祝詞訖俯伏興復位衆官皆俯伏興又四拜禮畢今照潘王奏稱 皇太子千秋令節拜祝禮儀乞要定制示下遵行一節爲照前項禮儀會典開載已備本部

難以別議但臣等看得會典內王致詞訖項下有小
字註隨意致詞四字則各府稱祝不一似當定擬理
合題請勅下翰林院恭擬祝詞發下本部通行天下
王府各長史教授啓王知會一體遵守施行嘉靖十
八年九月十四日奉

聖旨是依擬行 一祝詞內府抄出

欽定皇太子千秋令節 某王臣某敬惟 皇太子
殿下壽誕之辰敬祝 睿筭千秋

冬至請賀 東宮儀

照得嘉靖十八年十一月初三日冬至節文武百官

各員朝服於初四日恭俟 皇上御奉天殿行慶賀
禮畢隨該赴文華殿朝賀 東宮查得舊例 皇太
子千秋節及冬至文武百官朝賀其宣贊興俯之儀
皆同二節致詞後例有傳令冬至致詞云茲遇律應
黃鍾日當長至敬惟 皇太子殿下茂膺景福賀畢
傳令官稱有令宣令云願長之節同臻嘉慶元旦致
詞云茲遇三陽開泰萬物咸新宣令則云履端之節
同臻嘉慶香得先該本部具題 皇太子正位東宮
所有元旦冬至千秋令節理合行移各王府并南京
禮部及在外五品以上衙門一體拜進箋文慶賀等

因奉 聖旨這幾文且着賀生辰元旦冬至暫待三年後進賀欽此又查得本年十月初六日千秋令節該本部覆題是日早敬請 皇太子具常服御文華殿陞座錦衣衛照例陳設儀仗教坊司設堂下樂文武百官仍具朝服行四拜禮鴻臚寺官具班首官名致詞稱賀畢復行四拜禮其啓進方物宣箋等項全儀暫且停免等因奉 聖旨是依今擬行又該鴻臚寺具題千秋是日日本寺執事官例該先於文華殿行禮等因奉 聖旨且罷是日暫免待出閣時行禮部知道欽此欽遵外今照冬至令節在邇其 東宮朝

賀禮儀臣等理合照例題請於初四日早慶賀畢隨
赴文華殿行禮合無遵照今歲千秋題准前項儀節
致詞前後行八拜禮惟復遵照待三年後行伏乞
聖明裁奪以便遵守嘉靖十八年十月初十日奉
聖旨已有明旨了

南宮奏議卷第五